



Le dece-duo travalios de Heracles

un conto heroic ab le mythologia grec
narrate in interlingua per Vicente Costalago

Union Mundial pro Interlingua

2020

Le dece-duo travalios de Heracles

un conto heroic ab le mythologia grec

narrate in interlingua per

Vicente Costalago

Photo del copertura: Travelspot, Pixabay

Redaction e lay-out: Thomas Breinstrup

Bibliotheca electronic **in interlingua**

www.interlingua.com

Publicate in le Bibliotheca electronic in interlingua per le Union

Mundial pro Interlingua con permission del traductor

www.interlingua.com

© 2020 Vicente Costalago

Tote derectos reservate. Iste texto es facile disponible pro uso non-commercial solmente.

Tote formas de re-vendita o re-distribution electronic o imprimite es prohibite sin permission in scripto. Nulle parte de iste publication pote esser reproducite, copiate, conservate in un sistema de cercar o transmittite in ulle forma o per ulle metodo: graphic, electronic, mechanic, photographic, registrate sur disco o cassetta, transferite a bases de datos o in altere maniera sin permission in scripto. Es permitte citar in recensiones con indication del fonte.

Le dece-duo travalios de Heracles

Heracles es le filio de Zeus e Alcmena. Quando le sposo de Alcmena, Amphytrion, era luctante contra le teleboides, Zeus prendeva le forma del sposo de Alcmena e ingenerava Heracles. Quando Hera audiva de isto e sapente que Zeus diceva que Heracles esserea rege de Argos, Hera retraheva le nascentia de Heracles un altere mense e faceva nascer antea Euristeo, facente le le rege futur de Argos.

Quando le baby habeva 8 menses, Hera inviava duo serpentes pro occider le infante, ma Heracles poteva occider los con su manos.

Proque Heracles non amava le artes, ille occideva su maestro de lyra, Lino, e Amphytrion le castigava facente le curar le grege de oves in le monte Citeron.

Hera appareva a Euristeo e donava le ordines de imponer dece-duo provas que ille non poterea realisar, e pro isto Heracles era appellate in su presentia. In le principio, Heracles negava facer los ma le oraculo le diceva que illo era necessari proque in un attacco de ira e le follia inviate per Hera ille occideva su proprie filios. Quando Heracles se tornava, ille videva lo que ille habeva facite, e lassante su uxor Megara ille se poneva sub le autoritate de Euristeo in Argos comenciantre le dece-duo travalios que iste le donarea.



I. Le leon de Nemea

Iste bestia era le filia de Ortro e le nepta de Tiphon, educate e create per le dea Hera qui lo situava expressemente in le region de Nemea pro exterminar le population dum le nocte. Heracles debeva occider le animal e intentava facer lo con flechas ma le pelle de illo era troppo dur. Tunc, Heracles claudeva con un petra le exito del cava del animal e con su proprie bracios ille lo strangulava. Depost, ille excoriava le pelle del leon e lo collocava sur le dorso e capite como un mantello, retornante victorioso a Argos.

II. Le hydra de Lerna

Como con le leon de Nemea, Hera creava Hydra, un serpente mythologic de nove capites. Filia de Echidna e Typhon, illo era colossal in su proportiones, su scalias dur como le aciero e su halito era venenose e mortal, pois que illo livrava gases toxic. De facto illo era multo plus periculose que le leon, proque ben que Heracles taliava su capites, de cata ferita appareva altere duo multiplicante se le periculo. In plus, del sanguine que manava e cadeva al solo, cresceva scorpiones.

Appoiate per su nepote Iolao, Heracles le ordinava facer foco in le bosco que circumfereva Hydra. Isto le permitteva urer con le trunços ardente cata un del capites que ille taliava, cicatrisante le feritas e impediente que de novo crescea alteres. Vidente que le capite in le medio era immortal, ille lo taliava e lo interrava, collocante super illo un enorme rocca.

In un prime momento Euristeo voleva eliminar le prova proque Heracles lo habeva facile con su nepote, ma finalmente a causa del pressiones ille lo considerava valide.

III. Le cerva de Cerinea

Iste animal era un del cervos consecrate al dea Artemis, le chassatoria. Su cornos era de auro e su unguas de bronzo, e illo era tanto agile e veloce que Heracles tardava un anno in su interprisa. Le animal percurreva tote le mundo cognoscite usque le hiperboreos, allogiante se postea presso Artemis, ma Heracles lo clavava un flecha facente simple sasir lo e portar lo. Retornante, le heroe trovava Artemis e Apollon, qui – vidente que Heracles habeva sasite un animal sacrate – voleva occider le. Nonobstante Heracles inculpava Euristeo, e pro isto Artemis e Apollon – habente compassion pro ille – le lassava vader con le butino.

IV. Le porco salvage de Erymanto

Le quarte del travalios consisteva in capturar, si non occider, un porco salvage e molto feroce que viveva in le monte Erymanto. Pro facer lo exir de su cubil, Heracles comenciava critar obligante lo a fugir verso le zona del montania plus coperte de nive. Isto faceva que ille non poterea fugir tanto facilmente debite al spissor del nive e que su ungulas se faceva plus pesante. Assi il esseva plus simplice pro ille capturar lo e portar lo con se. Quando Euristeo videva le bestia, ille fugiva pro celar se, dicente que Heracles se disfacerea de illo.

V. Le stabulos del rege Augias

Iste episodio ha como protagonista un rege de Grecia in le Peloponneso, appellate Augias. Ille habeva stabulos con un grande quantitate de oves e capras de su proprietate, ma su avaritia era tanto grande que ille non voleva usar moneta pro dismacular le stabulos, ubi le excrementos del animales se cumulava desde multe annos. Euristeo, volante rider se de Heracles, le commandava dismacular los. Le rege le promitteva un tertio del bestial si ille succedeva dismacular lo totalmente. Heracles deviava le fluvios Alpheo e Peneo e los duceva verso le stabulos dismaculante toto. Le rege voleva rumper le pacto facite con Heracles. Assi Augias comenciava un guerra contra ille, ma Hercules le occideva pro su offensa.

VI. Le aves de Stymphalia

In le sexte labor Heracles debeva finir con un flagello le aves situate in le laco Stymphalia in Archadia que ha destruite le culturas. Pro facer los sortir del bos cage, Hercules utilisava le castaniettas date a ille per Athena e fabricate per Hefesto. Le ruito que illos emitteva espaventava le aves que comenciava volar, sortiente del protection del arbores. Hercules con su flechas invenenate los faceva cader, finiente con tote illos.

VII. Le tauro de Creta

Le tauro de Creta era un dono que Poseidon habeva facite al rege Minos qui debeva sacrificar lo in su honor. Ma le rege disobediva le ordines, e pro isto le deo affollava le animal assi que illo devastava toto. Euristeo commandava Hercules que ille portava le tauro vive. Postea le heroe viagiava a Creta e sollicitava adjuta al rege, ma iste lo negava. Totavia, le rege le invitava a mesme facer lo. Hercules poteva capturar lo e lo portava usque Grecia cruciante le mar con le animal super su spatulas. Euristeo voleva offerer lo a Hera como dono, ma illa voleva nihil que veniva ab le manos de Hercules. Pro isto le tauro esseva liberate.

VIII. Le cavallas de Diomedes

In iste occasion Euristeo mandava Hercules al mission de portar le cavallas del rege Diomedes de Thracia. Diomedes esseva filio del deo Ares e famose pro su cruentate pois que ille alimentava le cavallas con carne human. Pro isto, Hercules occideva le rege e le quartierava pro alimentar le animales e satisfacer lor fame. Assi il le esseva multo plus facile capturar los e portar los a Grecia.

IX. Le cincturon de Hippolyta

Le filia de Euristeo, Admeta, voleva tener le cincturon del regina del amazones, Hippolyta, donate per le deo del guerra, Ares. Hercules se dirigeva a Themiscyra e peteva al regina donar le lo. Le regina acceptava, ma le dea Hera furiose pro le facilitate con que Hercules lo habeva obtenite, disfuisava como amazon e creava le rumor que Hercules voleva capturar le regina. Assi le homines de Hercules e le amazonas comenciava un battalia, que finiva con le vita del regina in le manos de Hercules.

X. Le boves de Geryon

In iste occasion Euristeo mandava a Hercules portar le boves de Geryon, que pasceva in le insula de Eritrea. Hercules, post transversar Libya e le oceano con le cuppa donate a ille per le deo Helios, arrivava al zona ubi era le boves super le quales Eurytion e su can Orthro vigilava. Hercules occideva ambes, ma le pastor qui custodiava le grege del deo Hades era proxime, e ille avisava Geryon que Hercules habeva occidite su pastor e fugite con le grege. In van le rege intentava occider Hercules. In vice Hercules occideva le rege.

XI. Le pomos de aure del hesperides

Quando le dea Hera se maritava con Zeus, Gea les donava un pomo de auro, que Hera plantava in su jardin, e que le hesperides guardava con le adjuta de un dracon.

Euristeo mandava a Hercules que iste prendeva le fructos de Hera. Pro isto Hercules debeva vagabundar a differente locos del mundo usante le cuppa de Helios pro poter localisar le jardin. In un del incursiones ille liberava Prometheus de su captivitate, e iste le urgeva a incontrar le titan Atlas qui era ille qui supportava le peso del Terra e le unic qui sapeva ubi era le jardin del hesperides.

Hercules arrivava al region del hiperboreos, trovante Atlas. Pro convencer le, Heracles le diceva que ille mesmo sustenerea le mundo liberante Atlas del carga, dum Atlas vadeva pro cercar le pomos. Assi Atlas retornava con le pomos in su manos, ma ille diceva que ille mesme volerea donar los a Euristeo. Hercules, vidente que ille esserea condemnata a cargar le Terra super su spatulas, dupava de novo Atlas, dicente que iste sustenerea un momento le mundo dum Heracles collocava un cossino sur su spatulas pro proteger los.

XII. Le can Cerbero

Le can Cerbero era un can de tres capites que guardava le portas del inferno, ubi viveva le animas del mortos. Iste se incargava de que non entrava le viventes e le mortos non escapparea. Euristeo peteva a Hercules que ille portava le can, sapente que nemo poteva escappar del inferno. Quando ille arrivava, illo se trovava con Theseo incatenate, que Hercules liberava. Quando ille era in fronte de Hades, Hercules le peteva le can, ma Hades le urgeva que esseva ille mesme qui reduceva le bestia, e assi lo faceva. Con su enorme bracios, Hercules submitteva le animal e lo portava a Euristeo, qui espaventate diceva a Hercules de portar lo de novo al inferno.



Illustration: Colleen O'Dell, Pixabay